



Briavan vodar Komisardja von 29 abrèl 2021

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
12	Khearn nâzoschauga bazta hintar iz in mearar un in mindar vodar roatom 2020 un soine bèkslom nâ in Art. 3, kòmma 4, von D.gs. 23 prachant 2011, n. 118.	1. Åzonemma bazta auzizkhent dòpo zo haba någeschauget bazta hintar iz in mearar un in mindar vodar roatom 2021, nâ in art.. 3, kòmma 4, von D.gs. 118/2011, zoa zo maga nidarschraim di rèchnung von djar 2020, haltante kunt von sèll boda auzmancht dar art. 1 kòmma 880 von gestz 205/2017vor bazta ågeat in FPV, asó azpe da auzikhint vodar khluup boda khint khött bazta hintar iz in mearar odar in mindar vorz djar 2020 un boda iz in gântzan toal vo disan provedimént; 2. Zo khreschra,, zoa zo maga innschraim bazta hintar iz in mindar in Font vor mearare djar in toal innziaga vodar roatom 2021 gelaich azpee di diferéntz boda iz zbisnen in sèll boda iz hintar in mindar bidar innzoschraiba un bazta iz hintar in mearar bidar innzoschraiba asó azpe da auz khint da untar: - Loaf toal: € 47.110,91 - Kapitâl toal € 3.016.782,91, in gântzan € 3.063.893,82, asó azpe da iz geschribet in di khluupm da ågehenk boda soin in gântzan toal vo disan dekrèt;

		3. åzonemma di bèkslom von sèll boda khint inngeschribet in di roatom 2020-2022 un in da vorsichetege roatom 2021-2023, asó azpe da auzkhint von khlupm da ågehenk boda soin in gântzan toal vo disan provedimént; 4. in da gelaichege zait innschraim bazta hintar iz in mearar un in mindar von vorgännatn roatom asó azpe khint gezoaget in di khlupm; 5. zo khöda ke bazta auzkhint vo disarn nâschaugom bart gian drinn in di rêchnung 2020; 6. åzonemma di khlupp 8/1 boda drinnhaltet date boda ågian in schatzhaltar;
13	Maz pitt groaza aile vor bazta ågeat di solidariet vor 'z geèzza in di Provîntz vo Tria – auzmachan di kriterie bia zo nütza 'z gèlt zuargètt in Toalkamou – bonus alimentare 2021 – draite fase.	1. Zo gian vürsnen, soinantese gemacht verte da zboate fase von Bonus Alimentare (BOA), auzonemma no åndre vorsch zo maga hâm disan bons, haltante kunt von kriterie un vo bia ma mocht tüan boda soin inngehaltet in briauf von Rat von Lokaln Autonomian vodar Provîntz vo Tria; 2. Zuarzogebe in BOA – Bonus Alimentare – draite fase – in famildje boda inngem alle månat in vorsch nâ in sèll boda khint auzgemacht pitt disan provedimént un nâ in mustar boda iz da gekhluppert un boda iz toal in gântzan von provedimènt sèlbart; 3. Åzoheva auzolesa di vorsch von tage 03/05/2021 vort un zo bestetega 'z gèlt boda hâm di famildje daz sèll bodada iz atz 30 von abrèl 2021 un dena daz sèll bosa hâm inngezoget in gântz månat vorda khint inngètt dar vorsch; 4. Zo bestetega, vor allz daz sèll boda khint khött in vorbort, ke di vorsch bartn khemmen augenump sin azta bart soin verte 'z gèlt boda iz khent untargelekk vor disa hilfe, khödante darzuar ke azta hettat zo ventzra eppaz magatmas zuargem in emtar von Draite sektor hërta haltante kunt vo biavl vorsch 'z soinda khent inngètt nâ disan provedimént; 5. Zo bestetega ke di hilfe zuargètt mage soin vor aniaglan vorsch affon månat daz mearaste azpe da khint khött in di tabéla da untar

:

<i>Nr. Laüt</i>	<i>Gèlt zuargètt</i>
<i>1</i>	<i>Euro 150,00</i>
<i>2</i>	<i>Euro 250,00</i>
<i>3</i>	<i>Euro 350,00</i>
<i>4 odar > 4</i>	<i>Euro 500,00</i>

6. Zo bestetega ke di laüt boda sa hām gevānk in Bonus Alimentare mang khearn innzogebe in vorsch nā in sèll boda khint khött in disan dekrèt;
7. Zo lazza az saibe dar sotziāl dienst zo hāra ’z mentsch boda hatt inngètt in vorsch zo vorstiana pezzar bia ’z stianda di sachandarn un āzonemma alle di briavan boda soīn māngl zo maga zuargem di hilfe un zo vorstiana von sèll boda khint khött allz bazta āgeat in Dienst sèlbart zo maga vorstian pezzar bazta iz māngl;
8. Zo lazza az saibe berda drauschaugēt affon sotziāl Dienst zo macha alle di āndarn sachandarn boda bartn soīn māngl zo maga tūan allz bazta khint khött in disan provedimént;

14

Ānemmen in skēm vodar rèchnung vodar roatom 2020.

1. Āzonemma bazta khint vūrgelekk azpe rèchnung vodar roatom vorz djar 2020, **Khlupp “A”** boda iz in gāntzan toal vo disan provedimént boda innhaltet in Koto vodar roatom pitt disan khlupm:
 - Prospèkt boda zoaget bazta auzkhint vodar vūarom;
 - Prospèkt inngetoalt pitt misiongen un progrém un von Font vor mearare djar;
 - Prospèkt von font von sèll boma hatt zo haba un boda bart soīn malamentar innziang;
 - Prospèkt von sèll boma bart innziang inngetoalt pitt titln, tipe un kategorian;
 - Prospèkt von sèll boda khint untargelekk inngetoalt pitt misiongen, progrém un macroaggregati;

		• Tabéla boda zoaget bazta iz khent inngezoget in di roatom vo haür un in di pellarn un inngeschribet z’zera in di roatom boda khemmen; • Tabéla boda zoaget bazta iz khent untargelekk z’zera in di roatom vo haür un in di pellarn un inngeschribet in di roatom boda khemmen; • Prospèkt date SIOPE; • Roatordnung vo bazta hintar iz in mearar un in mindar von pellarn roatom auzgetoalt vor djar un kapitl; • Tebela vo bia ma schètzt di strukturaln schulln; 2. Åzonemma di relatziong boda zoaget di rèchnung von djar 2020, Khluup “B”, boda iz in gântzan toal vo disan provedimént, nidargeschribet nâ in artikln 151-231 von D. Gsz. 18 snitt 2000, n. 267, von art. 11, kòmma 6, del D. Gsz. 23 prachant 2011, n. 118, un artikl. 242 von Zivil Kòditze; 3. Zo khöda ke ’z soinda khummane schulln auz vodar roatom asó azpe auzkhint von schraib von Sekretardjo boda iz in di briavan, un ke ’z izta nicht khent gezèrt azpe rapresentântz in djar 2020; 4. Åzonemma in Plân von zoagar un von sèll bomen impaitet – djar 2020 – Khluup “C”, boda iz in gântzan toal vo disan provedimént; 5. Åzonemma in dimostratif prospèkt von sèll boda hintar iz vodar vüarom verte vodar vüarom von djar 2020, geschribet in di Khluup “C” boda iz in gântzan toal vo disan provedimént; 6. Zo khöda ke ’z öffentlesche Amt Toalkamou, nâ dar tebéla boda auzmacht un schètzt di strukturaln schulln nidargeschribet nâ in artikl 228, kòmma 5, von D.Gsz. 267/2000, un gemacht vor hërta pin Dekrèt von Innante Ministèr atz 18 hornung 2013, hatt khummane schulln; 7. Zo khöda ke ’z khinta gehaltet da finantzièll pintom vorz djar 2020; 8. No zo vorschiaba åzonemma di ekonòmische un patrimoniàl rechnung atz 1° hoachnach 2022, pinn obligo åzonemma in earst ekonomische
--	--	---

		konto un patrimoniàl stato vorz djar 2021 vor atz 30 abrèl 2022, vor allz daz sèll boda khint khött in vorbort un asó nèt nidarzolega di roatom verte vorschiababnte aftnan spetarn provedimént di rechnung von patrimoniàl konto boda da iz atz 31 kristmånat 2020 asó azpe da auzmacht dar Dekrèt von Ekonòmische Ministèr ågenump atz 10 bintmånat 2020 vor di kamöündar pitt mindar baz 5.000 laüt;
15	Fraiböllege akòrd vürzovüara in “Distretto famiglia” vodar Zimbar hoachebene. Arbat progråmm vorz djar 2021.	1. Åzonemma vor allz daz sèll boda khint khött in vorbort, in Arbat Progråmm vorz djar 2021 un da pezzar nidargeschribet vürzovüara in “Distretto Famiglia” vodar Zimbar Hoachebene boda iz in gântzan toal vo disan provedimént; 2. Zo macha bizzan daz mearaste boma mage bazta iz drinn in disan Akòrd machante bizzan in sèlln bosen ågeat garade un alln in åndarn legantez afte bichtegarstn lokàln media; 3. Zo schikha in Åmt vor di Famildja kòpia gelaich azpe daz oridjinàl vo disan dekrèt;
16	Plån vor di Djungen vodar Zimbar Hoachebene. Ånemmen in Strategesche Plån vor di Djungen un zuargem baz z’zera vorz djar 2021.	1. Åzonemma in “Strategesche Plån vor di Djungen” vorz djar 2021, un pitt disan di acht prodjèkte gehaazt: “Balla con noi”, “Arrampicata ma non solo”, “Tutti a scuola”, “Crea il tuo videogioco”, “Pietra su pietra”, “Etica e ambiente”, “Laboratorio consulte”, “Comunicazione 2021”, pezzar khött in vorbort; 2. Zarzogeba z’zera in gântzan € 16.035,72 vor di prodjèkte von Plån vor di Djungen vorz djar 2021; 3. innzoschraiba: ▪ in provintziàl schütz vor in Strategesche Plån vor di Djungen in gântzan € 9.545,07 afte roatom 2021 Kapitl 1060 “gèlt zuargètt vodar Provìntz von in Plån vor di Djungen ” p.c.d.f. 2.1.1.2.1 Titl 2 Tipoa 101 Kategorì 2; ▪ in schütz von Kamöündar vo Folgrait, Lavrou un Lusérn in gântzan € 4.772,53 afte roatom 2021 Kapitl 2061 “Gèlt zuargett von Kmöündar zo nemma toal in Plån vor di Djungen” p.c.d.f. 2.1.1.2.1 Titl 2 Tipologia 101 Kategorì 2,

		nå in sèll boda iz khent auzgemacht vodar Konventziong khött in vorbort; ▪ In provintziàl schütz vor daz sèll boma bart zern vor in tèknesche Referént in gántzan € 11.189,55 afte roatom 2021 Kapitl 1060 “gèlt zuargèt vodar Provintz vor in Plån vor di Djungen” p.c.d.f. 2.1.1.2.1 Titl 2 Tipo 101 Kategorì 2; 4. Zo vorschiaba aftnan spetarn provedimént von von vüarar von Schualn Mense un Politike vor di Djungen innziaga åndre schütz zuargèt vo åndre emtar (Cassa Rurale Vallagarina, BIM von Brenta un BIM von Adige) un baz ’z bartma mochan untarleng darzuar dar Toalkamou un di Kamöündar boda hãm ågenump zo legada ’z gèlt boda bart soìn mengl zo macha alle di prodjèkt az nèt berat genumma sin atz € 6.584,28; 5. Zo schaffa in Teknesche Referént von Plån vor di Djungen nåzostian un drauzoschauga afte prodjèkte haltante kunt von sèll boda iz khent untargelekk z’zera pitt disan provedimént un pinn sèlln boda nåkhemmen boda bartn soìn ågenump nå in pellare punkt;
17	Ånemmen in aministratìf Akòrd vor in dienst zo skansionara di briavan boda ågian dar “Commissione per la pianificazione urbanistica e la tutela del Paesaggio” vor in Toalkamou vodar Zimbar.	1. Åzonemma in skèm von aministratìf Akòrd zo skansionara di briavan boda ågian dar Commissione per la pianificazione urbanistica e la tutela del Paesaggio vor in Toalkamou vodar Zimbar Hoachebene, da gekhluppert un boda iz in gántzan toal vo disan Provedimént; 2. Zo vorschiaba aftnana spetarn provedimént, balma untarschraibet in Akòrd khött affon pellare punkt, untarzolega djüst bazma bart zern un innzoschraibaz afta vorsichtege roatom vo haür, ma gloabet ume di € 8.000,00;